



ISLAMSKA ZAJEDNICA U BOSNI I HERCEGOVINI

Medžlis Islamske zajednice Tešanj

Izvršni odbor

GODINA XV
Broj: 1/54

BILTEN

Januar-mart 2019.g.
rebiulahir-redžeb 1440.h.g.

Istervno informativno glasilo Medžlisa IZ-e Tešanj

Održana 1. (konstituirajuća) sjednica IO
i tajnim glasanjem izabran predsjednik–22. 01. 2019.

Održana 2. sjednica skupštine
Medžlisa IZ-e Tešanj u VI sazivu - 17.02.2019.



Za predsjednika IO izabran Zehrudin Kruško iz
džemata Novi Miljanovci.
Predsjedavao najstariji izabrani član hadži Edib Turalić.
Od 15 članova sjednici prisutvovalo 14. članova.



Na kojoj je usvojen Izvještaj o radu IO Medžlisa IZ-e Tešanj za 2018. g. sa Općim smjernicama za rad u 2019. i data saglasnost na Završni račun za 2018. godinu i Budžet za 2019. g., te uručene pohvale zasluznim.

TEMA BROJA: Nastavak projekta „Dodatnog institucionalnog odgoja i edukacije“
(novi projekti i rad koordinatora) str. 4. i 5.



Hamzibegova džamija, 19.01.2019. Proučen Mevlud i
uručeno 29 vakufnama vakifima za rekonstrukciju
džamije, munare i harema - hafiz dr. Senaid Zaimović.



Dibekhana džamija, 17.02.2019. uručene 24
svjedodžbe o proučenoj hatmi odraslim polaznicima.
Svjedodžbe uručio glavni imam mr. Fuad ef. Omerbašić.

NAJAVLJUJEMO

- 13.04.2019. – Trepče – Tradicionalni mevlud i hatma dova za šehide poslije podne-namaza
- 14.04.2019. – Dobropolje-Mekiš – Tradicionalni mevlud poslije podne-namaza
- 18.04.2019. - Raduša – Tribina poslije akšam namaza, hafiz Husein ef. Čajlaković
- 20.04.2019. – Jevadžije – Tribina poslije akšam-namaza, uvodničar Emir ef. Hodžić prof.
- 21.04.2019. – Piljužići – Večer Kur'ana, poslije akšam-namaza, mladi hafizi – učenici medresa.
- 25.04.2019. - Jelah – Večer ilahija „U susret ramazanu“ poslije akšam-namaza- hor „Elči Ibrahimpašine-medrese
- 26.04.2019. – Bukva – Tribina poslije akšam-namaza, uvodničar Muris ef. Mahalbašić prof.
- 28.04.2019. – Lepenica – tradicionalni mevlud u mesdžidu Bedaci poslije podne-namaza.
- 30.04.2019. – Mrkotić-Putešić - Tradicionalni Mevlud i hatma dova za šehide poslije akšam-namaza.
- 03.05.2019. - Teslić - Mevlud u povodu Dana šehida Tešnja i Teslića, poslije džuma-namaza.
- 03.05.2019. – Novi Miljanovci - Tradicionalna „Večer Kur'ana“ poslije akšam-namaza.

Ponedjeljak, 06. 05. 2019.– 01. 09. 1440. h. g. – Prvi dan ramazana - prvi dan posta.

Medžlis islamske zajednice Tešnji. Tabačka 1. Tel/fax: (032) 650-087.

**RIJEČ UREDNIKA
BISMIL-LAHIR-RAHMANIR-RAHIM
Poštovani čitaoci!**

Još jedna kalendarska godina je iza nas, godina u kojoj je Medžlis IZ-e Tešanj nastavio sa kontinuiranim, iz godine u godinu, nizanjem rekordnih mjerljivih rezultata u svom radu, te će i 2018. godina ostati upamćena po tim rekordima:

5123 protokolisana dokumenta; 253 vakuфname za uvakufljenih 1.099.688,00 KM i 18 zemljišnih parcela; 501.000,00 KM prikupljenog zekata i sadekatu-l-fitra; 748.497,50 KM prikupljene članarine; 64 hadžije; 529 uplata kurbara za medrese; 445.248,40 KM socijalno-humanitarne pomoći; 225 šerijatskih vjenčanja; 45 djece u obdaništu „Revda“; jedan hadž, tri umre, 5.800,00 KM, dva laptopa - nagrade takmičarima „Tešanj Hifz 2018“; dvije umre - nagrade polaznicima 1. kura islama „Biti čovjek“; treće mjesto dva polaznika mektepske nastave na takmičenju nivoa Rijaseta.

Tu su još i otvorenje džamije u Bukvi, izgradnja mesđžida Ravne i Koprivci, vakufske kuće u džematu Dobropolje-Mekiš, potpisivanje Protokola o primopredaji gradilišta i početku radova na restauraciji Gazi Ferhadbegove džamije sa Generalnom direkcijom vakufa Republike Turske, hafiska dova hafiza Vedada Jupića te već tradicionalni projekti: dodjela nagrade i priznanja iz Fonda „Hasan ef. Škapur“ (Zijad ef. Ljevaković prof.) manifestacija „Večer Kur'ana“ u Novim Miljanovcima (u okviru programa Rijaseta IZ-e o obilježavanju Dana džamija), iftar za profesore odgojno-obrazovnih ustanova u BiH, te projekti „dodatnog institucionalnog odgoja i edukacije“ kojim su obuhvaćeni mladi i odrasli, i „energetske efikasnosti“.

Od planiranih aktivnosti u 2019. godini izdvajam:
„Početak aktivnosti na obnovi rada Gazi Ferhad-begove medrese u Tešnju“, „Održavanje radnih sastanaka na terenu sa džematskim odborima“, obilježavanje značajnih jubileja: 460 godina vakufa Gazi Ferhadbega u Tešnju i 110 godina Medžlisa IZ-e Tešanj, i restauracija i rekonstrukcija Čarši džamije sa munarom i objekta Kahva.

Pozivam vas da nam se pridružite i da zajednički nastavimo sa rekordnim pokazateljima i u 2019.

Aktivnosti IO Medžlisa IZ-e :

Održana 2. redovna sjednica IO, 11. 02. 2019. u prostorijama Medžlisa IZ-e Tešanj kojom je predsjedavao predsjednik Zehrudin Kruško, a prisustvovali svi članovi (15). Na sjednici je razmatran dnevni red od 10 tačaka i usvojen Zapisnik sa prošle sjednice, Odluka o privremenom finansiranju Medžlisa IZ-e, Odluka o visini osnovice za obračun plaće zaposlenim, prijedlog Izvještaja o radu IO za 2018. godinu sa općim smjernicama za rad u 2019. godini koji se u toj formi upućuje Skupštini Medžlisa na usvajanje, Prijedlog Završnog računa za 2018. i Budžeta za 2019. godinu koji se upućuju Skupštini na saglasnost, Odluka o imenovanju stalnih radnih tijela IO, Zaključak komisije za popis, Odluka o dodjeli priznanja „Pohvala“ za rad u 2018. godini, Odluka o izdavanju pod zakup vakufskih poslovnih prostora u 2019. godini i dr.

**Održana 3. redovna sjednica IO, 27. 02. 2019. u u prostorijama Medžlisa IZ-e Tešanj kojom je predsjedavao predsjednik Zehrudin Kruško, a prisustvovalo 12 članova.**

Na sjednici je razmatran dnevni red od 9 tačaka i usvojen Zapisnik sa prošle sjednice, Informacija sa održane 2. sjednice Skupštine, Plan aktivnosti za takmičenje učenika iz Islamske vjeronauke, Plan aktivnosti za takmičenje polaznika mektepske nastave, Prijedlozi Komisije za vakuf i vakufske zemljište, Zaključak o izradi Programa obilježavnja Dan džamija, Odluka o uspostavi i obavljanju video nadzora sjedišta Medžlisa IZ-e Tešanj, Odluka o potrebi rekonstrukcije vakufske kuće džemata Medakovo.

Održana tematska sjednica IO, 27. 02. 2019. na kojoj je razmatrana jedna točka dnevnog reda i usvojen Plan i Program aktivnosti Medžlisa IZ-e Tešanj u okviru kampanje IZ-e protiv poroka kocke.

POZIV NA SARADNJU

Esselamu alejkum, poštovani čitatelji!

Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

**Javite nam se sa vašim primjedbama i sugestijama kako bismo zajednički što bolje prezentovali naš Medžlis.
Posjetite našu web stranicu i dostavite vaše ideje na naš e-mail**

naša web stranica: www.miztesanj.ba; javite nam se na e-mail: info@miztesanj.ba

Bilten Medžlisa IZ-e Tešanj

Izdavač: Medžlis IZ-e Tešanj, za izdavača predsjednik IO Zehrudin Kruško.

Glavni i odgovorni urednik: mr. Fuad ef. Omerbašić, tekst i foto Rašid Orlović.

Redakcija: Dževad ef. Hasanbašić, mr. Enver ef. Kurtić, hafiz mr. Almir ef. Hadžić i Suljo ef. Djedović prof. Saradnici imami MIZ-e Tešanj.

**Uljepšajmo ramazanske dane
Uvažena braćo!**

Dok postimo i dok, poredani u saffove, svjedočimo da nema drugog boga osim Allaha te da je Muhammed Njegov rob i poslanik, želimo čuti ponešto lijepo i korisno. Prie svega, želimo savjet o tome kako da na najljepši način provedemo ramazanske dane.

20oz ovu hutbu će pokušati udovoljiti našim željama i dati savjet sebi i vama kako upotpuniti ramazansko vrijeme i kako provoditi ramazanske dane.

Prva i osnovna stvar koju svi trebamo učiniti jeste čvrst nijet da ćemo postiti jer kada se bilo koje naše djelo, a posebno post, osloni na čvrst i čist nijet, ono će, ako Bog da, biti lahko i hairli.

„Ustajte na sehur jer je u sehuru bereket“, poručuje nam Muhammed, a.s.

Nemojmo propuštati ovu priliku. Vrijeme od teravije do početka posta uistinu je kratko. Mnogi ga provedu budni a ima i onih koji jedu ranije pa tako zaspri i prespavaju sehur ali i sabah namaz. Tu je dvostruki gubitak. Propustiti sehur znači propustiti priliku da steknemo bereket, a to nam danas itekako fali u životu. Zato sehurimo, pa makar i sa gutljajem vode ili jednom hurmom i nakon toga se pripremimo za sabah namaz u džematu.

Ebu Bekrova kćerka Aiša, r.a., prenosi da je Muhammed, a.s., rekao: „Dva rekata sabahskog sunneta bolja su od cijelog dunjaluka i svega što je na njemu“. Ako sabahski sunnet vrijedi ovoliko, a vrijedi, možemo samo zamisliti koliko vrijedi farz, posebno ako ga obavimo u džematu. Ipak, tu našoj nagradi nije kraj jer Ebu Hurejre bilježi da je Muhammed, a.s., rekao: „Ko lijepo uzme abdest u svojoj kući i uputi se prema nekoj od džamija da obavi farz, njegov korak prema džamiji mu briše grijeha a drugi mu povećava deredžu kod Allaha“

Naravno, ovo vrijedi za sve farz namaze. Uz ramazan se trudimo da što više namaza klanjamo u džematu jer je Muhammed, a.s., govoreći o ramazanu kazao i ovo: „Onaj ko se u ramazanu približi Allahu činjenjem dobrog djela, makar bilo i neznatno, kao da je obavio farz mimo ramazana, a ko obavi farz, biće nagrađen kao da je obavio 70 farzova mimo ramazana“

Mi svoje ramazansko vrijeme u našim džamijama ukrašavamo učenjem Kur'ana, odnosno mukabelama. Obavežimo sebe da prisustvujemo mukabeli, da pratimo ili barem slušamo učenje Kur'ana jer je i to poseban ibadet. Nažalost, naše uši zapahnuće su svakojakim sadržajima koje svakodnevno slušamo i koje nas dodatno opterećuju i pritišću. Slušanje Kur'ana je, zato, pravo i istinsko osvježenje za nas i naše duše. Bilo bi jako lijepo da i mimo mukabele obavežemo sebe da se više družimo sa Kur'anom. Čitajmo prevod Kur'ana, razmišljajmo o njegovim porukama i značenjima, razgovorajmo o tome sa članovima svoje porodice i ubrzo ćemo osjetiti tragove Allahove milosti i bereketa koje nam Kur'an donosi.

Uvijek se sjetim čovjeka koji mi je kazivao kako je godinama živio kako ne treba i radio sve i svašta. Onda, kada je bilo najteže, do ruku mu u logoru dolazi primjerak prevoda Kur'ana. Počeo je čitati. Nakon nekog vremena je rekao sebi: „Moj život je čista suprotnost svoj ovoj ljepoti koja piše u Kur'anu. Ako me Allah pozivi, okrenuoću novi list u svom životu i trudit se da budem što bliži onome što u Kur'anu piše“. Allah ga je pozivio i danas je to insan za primjer.

Ramazan je vrijeme pokajanja. Nemoj da te tvoji grijesi bace u očaj. Nemoj dopustiti sebi da kažeš „Ma, za mene je kasno, moje je prošlo!“ Allahova milost i oprost su mnogo veći od tvojih grijeha, koliki god oni bili. Allah je oprostio prostitutki koja se smilovala žednom psu i napojila ga. Allah je oprostio čovjeku koji je ubio 100 ljudi i iskreno se pokajao. Zašto misliš da se Allah neće smilovati tebi? Zar misliš da ti Allah neće oprostiti? Neće, ali samo ako se ne pokaješ.

Nemoj zanemariti ni vrijednost iftara. „Moj ummet će biti u dobru sve dok budu žurili sa iftarom“, kaže Muhammed, a.s. Dakle, sa iftarom ne treba odgovlačiti nego postavljati sofru i jesti čim se oglasi iftar. Prilikom iftara učimo dove jer predaje kazuju da se dova postaća u vrijeme iftara ne odbija. Pravimo zajedničke iftare u svojim kućama i pozovimo rodbinu i siromahe. Nemojmo iznositi iftare iz svojih kuća i avlja u restorane i druga slična mjesta jer tako iznosimo bereket iz svojih kuća. Odazovimo se pozivu na iftar i učimo dovu za onoga ko nas pozove na iftar.

Nemojmo biti pasivni nego i sami pomozimo našim hanumama u pripremanju iftara jer, po hadisu, „ko pripremi iftar postaću, imaće nagradu kao i on, bez da se postaću umanji išta od njegove nagrade“

Nemojmo propuštati ni teravil namaz. Teravija je sunnet. Najprije povedimo računa da obavimo sve farzove ali čuvajmo i teraviju jer smo već kazali da je i nagrada za sunnet u ramazanu jako vrijedna.

Naravno, jačajmo i snažimo svoju zajednicu tako što ćemo uredno izvršiti sve svoje obaveze prema njoj. Dok budemo imali jaku i snažnu Islamsku zajednicu, bićemo, ako Bog da, jaki i snažni i mi.

Na kraju, budimo svjesni blagodati koja je pred nama. Mnogo je umrlih koji bi dali sve samo da mogu biti s nama na ovoj džumi, postiti ovaj ramazanski dan ili barem nazvati jedan selam svome bratu. Iskoristimo svoju šansu, upotpunimo ramazansko vrijeme na najljepši način i požurimo ka Allahovom oprostu.

A Allah je milostiv i on će oprostiti. Ipak, neće svima. Ima ljudi koji i klanjaju, i poste, i idu na teravije, i slušaju Kur'an i rade mnoga dobra djela, ali im Allah ni u ramazanu neće oprostiti. To su ljudi koji su u zavadi. Dok se ne izmire, njima nema oprosta.

Gospodaru naš, primi naše ibadete, uljepšaj naše međusobne odnose i daruj nam Svoju milost, Amin! **Safet ef. Pozder**

TEMA BROJA

NASTAVAK PROJEKTA „DODATNOG INSTITUCIONALNOG ODGOJA I EDUKACIJE“

U cilju promoviranja potrebe cjeloživotnog institucionalnog odgoja i edukacije Medžlis IZ-e Tešanj je u periodu januar – mart 2019. nastavio projekat „Dodatnog institucionlanođ odgoja i edukacije“, izdvajamo:

1. Stručni seminari za imame

Stručne seminare imama u ovom periodu organizirali su Medžlis IZ-e Tešanj i Muftijstvo zeničko i to:

1. stručni seminar - 08. 01. 2019. za imame održan u velikoj sali Medžlisa IZ-e Tešanj na kome je temu: „Islamske vrijednosti: društveni kontekst“ predstavio Elvedin ef. Aličić prof. imam džemata Lepenica, koji je prisustvao stručnom seminaru na navedenu temu održanom 25. i 26. decembra 2018. u Centru za lično i profesionalno usavršavanja u Sarajevu u organizaciji Uprave za vjerske poslove Rijaseta..



3. stručni seminar - 26.03.2019. za imame medžlisa IZ-e Tešanj, Doboј i Teslić održan u atriju Medžlisa IZ-e Tešanj. Tema: „Potreba muslimana za otvorenim i iskrenim dijelogom“, „Jedinstvo – ključ uspjeha muslimana“ i „Ramazan u svjetlu Kur'a i Sunneta“. Predavači: hafiz Fahir ef. Arnaut, Samir ef. Muminović i Haris ef. Hasičić. Moderator Edin ef. Kavazović.



2. stručni seminar – 12.02.2019. za imame medžlisa IZ-e Tešanj, Doboј i Teslić u Kuvajtskoj džamiji u Matuzićima. Tema „Uloga i značaj hutbe u islamskom diskursu“ podteme: „Značaj džumanske hutbe i osobine hatiba“, „Koliko su naše hutbe produktivne i oovremene“ i „Analiza hutbi imama muftiluka zeničkog u projektu Hutbe Muftijstva zeničkog“ su predstavili glavni imami: Bajro ef. Džafić (Doboј); mr. Jakub ef. Salkica (Zenica) i mr. Fuad ef. Omerbašić (Tešanj).

2. Rad koordinatora

Programi za žene: (koordinatorica Fatima Ćeman)

Tribina „Hidžab između propisa i modnog trenda“ održana 02.02.2019. u velikoj Sali Medžlisa na kojoj je velikom broju posjetiteljki temu predstavila hafiza Hidajeta Mahalbašić, a moderirala koordinatorica Fatima Ćeman, u okviru obilježavanja 1. februara Svjetskog dana hidžaba.

Mrkotić-Putešić – Tribina, 16.03.2019. „Očuvanje porodičnih vrijednosti u savremenom društvu“ Uvodničar Asmira Garić prof., moderator Fatima Ćeman.



Saradnja sa NVO (koordinator Rašid Orlović)

Novi Miljanovci, Tradicionalni Mevlud za šehide u zajedničkoj organizaciji džemata Novi Miljanovci i Udruženja PŠiPB u džamiji džemata poslije jaciće-namaza. Mevlud su proučili imami MIZ-e Tešanj, a prisutnima se obratili imam Bersad ef. Kozlić prof. i glavni imam mr. Fuad ef. Omerbašić.

Tešanj – Završen drugi kurs islama „Biti čovjek“ i uručene nagrade - 31.03.2019. u okviru saradnje Medžlisa IZ-e i UB „Vrijeme Zeman“ tokom koga su odrasli polaznici vikendom pet mjeseci prisustovali na 110 časova. Hedije su uručene svim polaznicima, a vrijedne nagrade najboljim: **Prvo mjesto i odlazak na umru Eldina Kozlić**, drugo i treće mjesto putovanje u Tursku Almira Mervanović i Melisa Mujkanović, četvrto i peto mjesto Selma Saltagić i Emina Piro osvojile Ipad.



Medžlis – Zaključen sporazum sa udruženjem pčelara „Pčela“ Tešanj o ustupanju prostora i organizaciji seminara o pčelarstvu u velikoj sali Medžlisa IZ-e Tešanj.

2. Halke Sufare i Kur'ana, promocije, tribine...

Novi Miljanovci, 27.01.2019. Uručene diplome o završenoj sufari za 9 odraslih polaznika: Kruško Admir, Hadžan Muhiba, Okić Dženana, Čerić Husejn, Orlović Mujo, Smajić Adem, Mujkanović Samina, Brković Rukija, Čerić Minela.



Miljanovci, 16.02.2019. Uručeno 10 svjedodžbi o proučenoj hatmi odraslim polaznicama 4. ciklusa halke učenja Kur'ana: Ahmić Azra, Ahmić Ramiza, Alić Rajfa, Muminović Mirnesa, Muminović Almedina, Muminović Hidajeta, Aljić Naza, Aljić Šeherzada, Smajić Mirela i Aljić Senada.



Dibekhana džamija, 17.02.2019. uručene 24 svjedodžbe o proučenoj hatmi odraslim polaznicima. Svjedodžbe uručio glavni imam mr. Fuad ef. Omerbašić. Hotić hadži Enes, Muslija Ibro, Bašić Zijad, Brkić hadži Senija, Lihic Salih, Lihic Hasanbašić Harisa, Lihic S enad, Tukić Hanifa, Džafić hadži Nazifa, Prnjavorac Lejla, Karabegović Bahra, Bejtić Esmir, Korkić Edin, Dolamić Hasan, Alić Azemina, Hukić hadži Hatidža, Jabandžić Zehra, Halvadžić Merima, Bukvić Hanka, Jašić hadži Zemina, Jasici hadži Sabira, Kantić Rabija, Softić Maida i Omehić hadži Zumreta. Vidi foto – naslovna strana.

Medžlis – 08.02.2019. Promocija knjige hutbi Izet ef. Čamđića „Poruka i opomena sa minbere“. O knjizi su govorili promotori i recenzenti: muftija zenički doc. dr. Ejub ef. Dautović i Zijad ef. Ljevaković, te autor knjige Izet ef., a program moderirao glavni imam Medžlisa IZ-e Tešanj mr. Fuad ef. Omerbašić.



Medžlis i džemati: zajedničke tribine: „U susret ramazanu“ Dobropolje-Mekiš, 08.03.2019. Uvodničar mr. Enver ef. Kurtić, imam džemata Čarši-džamije.



Ljetinić, 02.03.2019. Tribina – hafiz Husein ef. Čajlaković



Oraš Planje, 29.03. 2019. Tribina, Uvodničar Ramo ef. Svrzo prof., imam džemata Raduša.



Mračaj-Potočani, 15.03.2019. Uvodničar hafiz Ahmed ef. Bukvić prof., imam Hamzibegove džamije u Tešnju.



Kraševo, 22.03.2019. Uvodničar hafiz mr. Nermin ef. Ibrahimović, imam Dibekhana džamije u Tešnju.



Održana 2. redovna sjednica Skupštine Medžlisa IZ-e Tešanj u VI sazivu

Održana 2. redovna sjednica Skupštine Medžlisa IZ-e Tešanj (u VI sazivu) – 17. 02. 2019. u atriju Medžlisa IZ-e Tešanj sa početkom u 9,00 sati kojoj su prisustvovala 54 zastupnika (od 58 izabranih), mufija zenički doc. dr. Ejub ef. Dautović i glavni imami medžlisa sa područja muftijstva. Sjednicu je sazvao i istu otvorio predsjednik IO Zehrudin Kruško, nakon čega je, izabrano radno predsjedništvo u sastavu: Mustafa ef. Balić predsjedavajući, Softić Midhat član i Kasim Halilović, zapisničar.



Radno predsjedništvo i predsjednik IO

Na početku rada sjednice prisutnima se obratio predsjednik IO Zehrudin Kruško i obrazložio Izvještaj o radu IO za 2018. godinu, Opće smjernice za rad IO za 2019. godinu, Završni račun Medžlisa za 2018. godinu, te prijedlog Budžeta za 2019.



Nakon čega se prisutnima obratio i glavni imam Medžlisa IZ-e Tešanj mr. Fuad ef. Omerbašić.



Na sjednici je bez primjedbi usvojen:

- Izvještaj o radu IO za 2018. sa Općim smjernicama za rad u 2019. godini, te data saglasnost na:
- Završni račun Medžlisa za 2018. i Budžet za 2019. godinu. U svojstvu gosta prisutnima se obratio i čestitao na Izvještaju i ostvarenim rezultatima Jakub ef. Salkica, glavni imam Medžlisa IZ-e Zenica.
- U toku rada sjednice prisutnima se obratio i muftija zenički doc. dr. Ejub ef. Dautović, ističući da je ovo do sada najbolji izvještaj o radu IO medžlisa urađen na području muftiluka zeničkog.



U svečanom dijelu sjednice dodijeljene su pohvale IO za postigнутi uspjeh u radu za 2018. godinu:



Dževad ef. Hasanbašiću, imamu, imamu džemata Jablanica.



Avdi Ramiću, predsjedniku dž.o. Mrkotić-Putešić



Fahiru Davoroviću, blagajniku džemata Kalošević

Priznanje Muftijstva zeničkog hadži Redži Klepiću iz džemata Miljanovci, preuzeo je predsjednik IO.



Prisutni zastupnici i gosti na sjednici

Dogadjaji, iz naših džemata...

Tešanj; 05.02.2019.g. Održana izvještajna sjednica OO Ilmije Tešanj, pod predsjedavanjem radnog predsjedništva: Suljo ef. Djedović prof., predsjednik, Mustafa ef. Balić prof., sekretar i Dževad ef. Hasanašić blagajnik.



Na sjednici je usvojen Izvještaj o radu za 2018. godinu i završni račun za 2019. godinu.



U svečanom dijelu sjednice uručene su hedije najzaslužnijim distributerima štampe: Raif ef. Hasak prof, imam džemata Mijanovci; Elvedin ef. Aličić prof., imam džemata Lepenica, Bersad ef. Kozlić prof., imam džemata Novi Miljanovci; mr. Enver ef. Kurtić, imam džemata Čarši-džamije i Muris ef. Mahalbašić prof., imam džemata Oraš Planje.



Za jubilarne godine rada uručene su hedije: Mustafi ef. Baliću za 30 godina rada, Elvedin ef. Aličiću i Husein ef. Bećiroviću za 20 godina.



Na sjednici su uručene i prigodne novčane hedije penzionerima i udovama.

Medžlis, 03.02.2019. Održan prvi radni sastanak sa novoizabranim predsjednicima i blagajnicima džematskih odbora u atriju Medžlisa IZ-e Tešanj na kome im je uručen komplet normativnih akta koji se primjenjuju u radu dž. o.



Novi Miljanovci – 17.03.2019. Parcele „Kremenjača“ i „Brakovička“ zasađene sadnicama oraha, kestena i hrasta.



Karadaglje-Koprivci-Oruče – Nastavljeni unutrašnje uređenje mesdžida Koprivci – ograda stubišta i mahfila.



Jablanica, postavljena nova prostirka u džamiji



Takmičenje učenika iz Islamske vjeroučenja i polaznika mektebske nastave (30. i 31.03.2019.)

Općinsko takmičenje učenika iz nastavnog predmeta Islamska vjeroučenja održano u subotu 30.03.2019. g. u OŠ „Džemal Bijedić“ Miljanovci.
 Ovo je 15. takmičenje učenika osnovnih i srednjih škola iz Islamske vjeroučenja na području ovog Medžlisa.
 Pobjednici:

VIII—Razred:

1. mjesto – Kurdić Amina, OŠ „Džemal Bijedić“
2. mjesto – Ogrić Dženan – OŠ „Kulin Ban“
3. mjesto – Hajrić Irma – OŠ „Džemal Bijedić“

IX- Razred –

1. mjesto – Karabegović Nejra, OŠ „1. mart“
2. mjesto – Husanović Bahrudin – OŠ „Džemal Bijedić“
3. mjesto – Mujkanović Adna – OŠ „1. mart“

I – Razred srednjih škola –

1. mjesto - Hasanbašić Aida – Srednja stručna škola,
2. mjesto – Omerbašić Salih – Gimnazija „M.Č. Ćatić“
3. mjesto – Sejmenović Nejra - Gimnazija „M.Č. Ćatić“



Takmičenje polaznika mektebske nastave na nivou medžlisa održano je 31.03.2019.

Pobjednici: Kiraet – mladi uzrast:

1. mjesto– Muharembegović Adna, Dobropolje-Mekiš
2. mjesto – Mahalbašić Sulejman, Oraš Planje
3. mjesto – Garić Hamza, Piljužići

Kiraet – stariji uzrast:

1. mjesto – Šalkanović Muhamed, Medakovo
2. mjesto – Husanović Bahrudin , Miljanovci
3. mjesto – Ćeman Ahmed - Jelah.

Opće znanje – mladi uzrast:

1. mjesto - Ibrahimović Nedžma, Šareni mekteb
2. mjesto - Ramić Samir, Dobropolje-Mekiš
3. mjesto – Mehicić Sajra, Trepče

Opće znanje – stariji uzrast:

1. mjesto – Hujdur Advija, Piljužići
2. mjesto – Klokić Dženis, Raduša
3. mjesto – Mujkanović Adna, Jelah

**Socijalno-humanitarne aktivnosti – Pomoć narodu Sirije (koordinatori Ševal ef. Delić i Rašid Orlović)**

Akcija provedena 22. 23. i 24. marta 2019. Prikljuceno: 95.211 kg. Pomoći (79.286 kg brašna, 8.834 l. ulja, 6.111 kg tjestenine i 654 kg ostale hrane i 6.000,00 KM). Svu prikljucenu pomoć iz džemata i firmi Medžlis preuzeo i prevezao u Skalište MFS EMMAUS, odakle će do ramazana ista biti dostavljena narodu Sirije.



Pomoć Udrženju slijepih građana Tešanj u organizaciji 16. međunarodnog turnira u Golbalu.

Eko akcija polaznika mektebske nastave „Eco proljeće 2019.“

Na cijelom području Medžlisa IZ-e Tešanj 30.03.2019. provedena je akcija „Eco proljeće 2019“ kroz 2 aktivnosti: 1.Eco čas za polaznike mektebske i 2. Eco akcija proljetnog uređenja i čišćenja u kojoj je preko 1500 polaznika mektebske nastave i drugih u akciji izvršilo čišćenje i uređenje harema džamija, trgovina, mezarja, ulica, riječnih korita, šehidskih spomen obilježja, zelenih i drugih javnih površina. Akcija je provedena pod pokroviteljstvom Općine Tešanj u okviru općinske akcije proljetnog uređenje i čišćenje cijele teritorije općine Tešanj i akcije „Vakufljenje vremena“ koju na području BiH vodi Vakufska direkcija. Kako se ova akcija kontinuirano vodi svake godine sve je veća svijest kod džematlija i sve manje smeća.

*Eco čas**Eco akcija*